

غدیر، مولی‌الموحیدین علی (ع) باخیشیندا

علی بن ابیطالب علیه السلامین زمانیندا غدیر بایرامی گونو جومعه اینن بیرگونه توشدو. ایمام اوگون موفصل خطبه دانیشدیلا و توحید، نبوت و ایمامت باره سینده درین و دگرلی بحثلر ائله دیلر.

علی بن ابیطالب علیه السلامین زمانیندا غدیر بایرامی گونو جومعه اینن بیرگونه توشدو. ایمام اوگون موفصل خطبه دانیشدیلا و توحید، نبوت و ایمامت باره سینده درین و دگرلی بحثلر ائله دیلر.

اونلار اولده آلاهیة تعالیٰ حمد و ثنا ائله دیلر، ربوی صیفتلرین سایدیلار، نعمتلرینی دیقته گتیردیلر و سونرا جماعته دئدیله: آلاهیة تعالیٰ بوگون ایکی بایرامی (غدیر و جومعه) سیزین اوچون بیر یئرده قرار وئریب؛ ایکی بایرام کی هر بیر اوییری نین وارلیق فلسفه سینین کامیل لشدیریر. و هر بیر نین وسیله سی اینن او بیر سینده هیدایت داها اثرلی اولور . . . سونرا بویوردو: توحید و آلاهیة بیرلیغینا اینانماق قبول اولمایا جاق مگر پیغمبری حضرت محمد صلوات الله علیه رسالتینه اعتراف ائده سن، و محدین (صلوات الله علیه) دینی قبول اولمایا جاق مگر بوکی آلاهیة، ویلاتی نین امرینی وئرن شخصین ویلاتی نین قبول ائده سن، و بو ایشلرین هتج بیر سی سه مانا توشمز مگر بو کی ویلات اهلینه توسول و تمسوک ائده سن.

سونرا بویوردو: آلاهیة تعالیٰ غدیر گونو، اوز سئجدیغی باره ده ایراده ائله دیغینی پیغمبرینه گؤندردی. اونا امر ائله دی کی ویلایت و ویسایتینی ایلاغ ائله سین، کافر و منافق لردن مجالی آلسین و دوشمنلرین سانجاسی نین نیگرانی اولماسین. غدیر گونونون منزلت و قدری چوخ دور، او گون آلاهیة رحمتلری یئتیشیب و حوجت هامی اوچون قورتولوب. بو گون آیدینلتماق گونو و اوچا و آیدین یئردن عقیده نی دئماق گونودور، بو گون دینین تکامل گونو و عهده وفا ائله ماق گونودور.

غدیر شاهید (رسول الله صلوات الله علیه) گونو و مشهود (علی ابن ابیطالب) گونودور. شیطانین ذیلت گونو، بورهان و ایستیدال گونودور. اونی دانانلارین صفی نین ایریلماق گونودور. بو گون لاب بؤیوک گوندور کی سیزدن بیر عیده اوندان اوز چئویردیز. آلاهیة بنده لری نین، ایمتحان و هیدایت گونودور. اورکلرده گیزلنمیش کینه لرین آشکار اولان گونو، نوصوصون (پیغمبرین ایبهامسیز سؤزلری)، مؤمونلره عرضه اولان گوندور. غدیر گونو شیث پیغمبر گوندور، ادریس گونو و یوشع و شمعون و . . .

غدیر بایرامیندا علوی منشور

امیرالمؤمنان خطبه نین آخیرینده بویوردولار: ائی موسلمانلار آلاهیة رحمتی سیزه اولسون. بو بؤیوک ایجتیماعدان قاییداندان سونرا بو گونو بایرام توتون و بو ایشلری گورماغینان اونو عزیز سایین:

نعمتی خانیواده زه و فامئل لریره چوخال دین و باغیشلاماق و یاخجیلیغی اؤزوزه پیشه ائدین.

آلاها سیزه وئردیغی نعمتلر اوچون شوکر ائدین.

بیر-بیریزین کنارینا بیغیشین تا آلاهیة سیزین ایجتیماعزی چوخالتسین.

آلاهیة نعمتلرین بیر-بیریزه تبریک دئیین نجه کی آلاهیة بو گونده آیری بایراملاردان چوخ اجز و ثواب وئرماغینان سیزه تبریک دئیین.

سنوینجاق و گولر اوزونن بیر-بیریزی قوجاقلایین.

گؤروش زمانی موصافیحه ائدین و بیر-بیرزه تبریک دئیین.

منبع: اقبال الاعمال، سید بن طاووس، صص 464-461